

大日本史


五十六

第一百二十二卷 列傳
 紀古佐美 大伴弟麻呂 坂上
 田村麻呂 巨勢野足
 第一百二十三卷 列傳
 吉備真備 菅原清公
 第一百二十四卷 列傳
 藤原冬嗣
 第一百二十五卷 列傳
 橘清友 安倍兄雄 藤原長岡
 藤原松影 藤原諸葛

一	二	和
五	〇	書
〇	五	門
〇	八	
冊	函	類

內閣文庫	
番號	和 20258
冊數	150(56)
函號	138 105

架册〇五- 六五歴和



大日本史卷之一百二十二

淺草文庫



列傳第四十九

權中納言從三位源光圀 修

男權中納言從三位綱條 校

玄孫權中納言從三位治保重校

紀古佐美

大伴弟麻呂

坂上田村麻呂

子淨野

孫當道

巨勢野足

大日本史卷之一百二十二 列傳

紀古佐美、大納言麻呂孫、正六位上宿奈麻呂子也。公卿補任寶字未敘從五位下、爲丹後守、寶龜中歷兵部式部少輔伊勢介左少辯、進從五位上、會蝦夷反、殺紀廣純、古佐美爲征東副使、從大使藤原繼繩討之、天應元年爲陸奥守、敘從四位下、延曆初遷左兵衛督、兼但馬守、歷左中辯、式部大輔、中衛中將、拜參議、歷東宮大夫、左右大辯、累進正四位下、七年爲征東大將軍、兼大和守、征陸奥蝦夷、及

辭見、敕上殿授節刀、賜書曰、夫擇日拜將、良由綸言、推轂分閫、專任將軍、如聞承前別將等、不慎軍令、匿闕猶多、推其所由、弊在輕法、其副將軍有犯死罪者、禁身奏上、軍監以下、依法斬決、坂東安危、在此一舉、將軍勉旃、因賜御被二領、綵帛三十匹、綿三百屯、令東海、東山坂東諸國步騎五萬餘、會多賀城、分道入賊地、八年、古佐美至衣川、按兵不進、四月上書告狀、五月敕曰、省奏知、三月二十八日

官軍渡河、置營三處、勢如鼎足、自爾以還、經三十餘日、未審何故逗留費日、頓而不進、未見其利、夫兵貴拙速、未聞巧久、又六七月計、應極熱、如今不入、恐失其時、已失其時、悔何所及、將軍應機進退、更無間然、但久留一處、朕之所怪、宜具其所由、及海軍消息、附驛奏來、時副使民部少輔佐伯葛城率軍進討、中途而卒、詔贈正五位下、古佐美又奏曰、副將軍入間廣成、左中軍別將池田真枚、與前軍

別將安倍猿島墨繩等議、三軍齊進、渡河討賊、約期已畢、簡中後軍各二千人、濟河而進、賊帥夷阿氏流率三百許人逆戰、官軍勢銳、賊徒引遁、官軍且戰且燒、至巢伏村、將與前軍合、而前軍為賊所拒、不得進、會賊八百許人來戰、官軍少卻、別有四百許人出自東山、絕官軍後、前後夾擊、官軍敗走、別將丈部善理、進士高田道成、會津壯麻呂、安宿戶吉足、大伴五百繼等戰死、凡燒賊巢村十四戶、八

百收器械雜物如別錄我兵戰死者二十五人、中矢二百四十五人、溺死一千三十六人、浮沒逃歸一千二百五十七人、別將出雲諸上道島御楯等引餘衆還、六月敕曰、省比來奏云、膽澤之賊、總集河東、先征此地、後謀深入、然則軍監已上、率兵張其形勢、嚴其威容、前後相繼、可以薄伐、而兵寡將卑、因致敗績、是則副將等計策之所失也、至于善理等戰亡、及士衆溺死者、惻怛之情、有切于懷、古佐

美又奏曰、膽澤之地、賊奴奧區、方今大軍征討、剪除村邑、而餘黨伏竄、殺略人物、又子波和我、僻在深奧、臣等欲進致討、運糧有艱、從玉造塞至衣川營、行程四日、輜重受納二日、從衣川至子波地、行程六日、輜重受納二日、然則從玉造塞至子波地、往還二十四日、其遇賊阻雨、不入程限、水陸兩道、用輜重一萬二千四百四十人、運糒六千二百十五斛、征軍二萬七千四百七十人、一日之食、五百四

十九斛，以此計之，一度所運，僅支十日，臣等商量，指子波地，支度交關，若分征兵，增輜重，則軍士寡少，不足征討，加以軍興以來，經涉春夏，軍旅輜重，皆悉疲弊，進而有危，持之無利，久屯賊地，運糧百里之外，非良策也。雖蠢爾小寇，且逋天誅，而水陸之田，不得耕種，既失農時，不滅何待。今日之計，莫若解軍節糧，擬支非常，軍士所食，日二千斛。○按上文食五百四十九斛，而此云軍士所食日二千斛，蓋舉本軍成數乎，今不可考。若上

奏聽裁，恐更多糜費，故今月十日以前解出之狀，牒知諸軍，臣等愚議，且奏且行。敕曰：省前後奏云，賊集河東，抗拒官軍，先征此地，後圖深入者，今以不利深入，而欲解軍，則具奏事狀，待報而行之，未晚也。一旦罷兵，不果進討，為謀如此，其理安在。灼知將軍等憚賊之所為也，而巧飾浮詞，規避罪過，不忠之甚，莫大於斯。廣成墨繩，久在賊地，素閑戰陣，故委以副將之任，佇其力戰之効，而安居營中，坐

視成敗、差遣裨將、反致敗績、事君之道、豈可如此、夫師出無功、良將所恥、今喪軍費糧、爲國家大害、聞外之寄、誰任其咎、七月古佐美等上書、僞告大捷、敕曰、得今月十日奏、傳所謂膽澤者、水陸萬頃、蝦虜所聚、大兵一臨、忽作荒墟、餘燼假息、危如朝露、至如軍船解纜、舳艫百里、天兵所加、前無強敵、海浦窟宅、無復人煙、山谷巢穴、唯見鬼火、不勝慶快、飛驒上奏、而險先後奏狀、斬賊未滿百級、死傷殆

三千、以是言之、何足慶快、夫大軍將還、兇賊攻後、非唯一度、而云大兵一臨、忽作荒墟、量度事勢、有似虛飾、真枚墨繩等、不親督兵、遣裨將於河東、軍敗而逃、溺死一千餘人、而云一時凌渡、且戰且焚、搜賊巢穴、還保本營、是溺死之軍、舍而不論、唯征東副使多治比濱成等、討賊略地、比他差勝、今日天兵所加、前無強敵、山谷巢穴、唯見鬼火、浮詞夸言、良爲過實、凡獻凱表者、應在平賊立功之後、今未


究其窟穴、殲其種類、而馳驛稱慶、將軍獨無愧乎。九月、古佐美等遂歸京師、上節刀、命大納言藤原繼繩、中納言藤原小黑麻呂等、勘問於太政官曹司、古佐美廣成、真枚墨繩等、皆承伏、敕曰、古佐美不究賊地、敗軍費糧、當據法窮治、顧嘗有勤勞、故一切不問、真枚墨繩等、愚頑畏懦、進退失度、每後軍期、檢法墨繩、當斬、真枚當解官收冠、而墨繩久歷邊戍、黽勉奉事、故免刑、收官冠、事在日上港、救

援溺兵、故解官不收冠、餘有小功者、量加賞賜、小罪者置而不問、善理膽澤之役、官軍失利、奮而戰死、贈外從五位下、頃之古佐美進正四位上、續日兼但馬守、遷左衛門督、十三年拜中納言、超授正三位、尋兼式部卿、十五年轉大納言、十六年兼皇太子傅、未幾薨、年六十五、遣從四位下百濟英孫等、就第宣詔、贈從二位、子廣濱、未成、廣濱參議正四位下、公卿補任、未成、據類聚國史、未成、幼而聰悟、博覽文籍、延

大田本史 卷一百二十二 列傳 六

曆中調式部丞時議許其廉舉出為伊豫介大同弘仁間歷出雲常陸大和越前守所在以幹濟聞至從四位下天長二年卒年四十五贈正四位上類聚國史大伴弟麻呂吹負曾孫據續日本紀書古慈斐吹負孫父古慈斐公卿補任少有才幹略涉書記起家為大學大允藤原不比等以女妻之勝寶中累遷至從四位上衛門督俄出為出雲守以見疎斥意常鬱鬱八年藤原仲麻呂誣古慈斐及淡

海三船誹謗朝政無人臣禮禁於衛士府左遷上左守寶字初以黨橘奈良麻呂再得罪寶龜初召還復本位為大和守敘正四位下六年優老授從三位八年薨年八十三弟麻呂寶龜末為衛門佐天應元年兼中宮亮累遷左衛士佐延曆初任常陸介為征東副將軍入補右中辯轉左歷兼皇太后宮亮河內守十年至從四位下為征夷大使續日本紀赴陸奧十三年授節刀弟麻呂遣副使坂上田村麻



呂等討蝦夷大敗之斬首四百五十七級捕虜一百五十人獲馬八十五匹明年振旅而歸類聚國史日本紀略褒授從三位勳二等類聚國史尋為皇太子傳以老乞骸骨遣中納言藤原内麻呂就第許之大同四年薨年七十九日本紀略子勝雄天長中為陸奥守兼按察使至從四位下右兵衛督兼讚岐權守資性寬簡不訐隱密家風清廉不近貨利出總戎事入典禁兵時論稱勝雄雖乏才學有將帥之器八年卒

年五十六

類聚國史

坂上田村麻呂

○村一作邑

左京大夫薊田麻呂

子也

公卿補任

身長五尺八寸胸厚一尺二寸身

重二百一斤輕之至六十四斤眼如蒼隼鬚

髯如金線有膂力

水鏡田邑傳記

延曆中敘從五位

下為近衛將監兼内匠助進近衛少將

○按古今

著聞集曰嗟峨天皇時有人欲窺隙賊天皇憚田村麻呂為近衛將監常在左右而待其遷除田村尋任少將中將大將親幸優渥由是終不能發然田村麻呂桓武朝歷少將中將平城朝任大將嗟峨弘仁二年兼越後守卒著聞集所載事實乖繆今不取

帝將征蝦夷、田村麻呂與正五位上百濟俊
 哲赴東海道、閱士馬、檢戎器、俄為征夷副使、
 續日紀、從大將軍大伴弟麻呂討蝦夷、殺略甚
 多、日本紀、以功進從四位下、兼木戶頭、任陸奧
 出羽按察使、兼陸奧守鎮守將軍、尋拜征夷
 大將軍、補任、奉敕檢校諸國夷俘、二十年陸
 奧蝦夷復反、授節刀討之、及凱旋、除從三位、
 日本紀略、元亨釋書僧延鎮傳曰、田村麻
 呂奉敕討陸奧逆賊高丸、高丸既陷駿河、次
 清見關、聞田村麻呂出師、退據陸奧、官軍與
 賊戰、矢盡、有小比丘、小男子、拾矢與田村麻

呂、田村麻呂射斃高丸於神樂岡、傳首京師、
 東鑑曰、奧州田谷窟者、賊首惡路王及赤頭
 等構砦之所也、田村麻呂討賊之日、建精舍
 於窟前、模鞍馬寺、安多聞天像、號西光寺、寄
 附水田若干、高丸惡路王、遷近衛權中將、公
 二事、他無所見、附以備攷、
 補任、二十一年築陸奧膽澤城、鎮壓蝦夷、夷酋
 大墓公阿氏利為盤具公母禮、率部落五百
 餘人降、役竣將二酋歸京、請放還本部、以招
 黨類、公卿議曰、野性獸心、叛服無定、今賴朝
 威獲此梟帥、若依奏請、是所謂養虎遺患也、
 乃斬於河內植山、二十二年又赴陸奧、築志

波城及辭見賜彩帛五十匹綿三百屯

日本紀略

還為刑部卿公卿補任二十三年再為征夷大將

軍公卿補任日本紀略明年任參議大同初任中納言

兼中衛大將餘官如故公卿補任奏曰陸奧出羽

郡司之任職員有限而邊要之事頗異中國

望請擬任幹了勇決之人以為防守警衛之

備於是敕聽正員之外擬任郡司軍役類聚三代

格二年改中衛府為右近衛府田村麻呂居

府如舊兼侍從兵部卿進正三位公卿補任尚侍

藥子之變下敕固三關田村麻呂居兵府威

望素顯帝恐其為太上皇用遽進大納言以

固其心水鏡及太上皇將東使率輕銳邀之美

濃道類聚國史時文室綿麻呂以侍太上皇繫于

左衛士府田村麻呂知其才器可用奏釋之

與俱行事尋平類聚國史日本紀略弘仁二年薨於粟

田別業年五十四日本紀略賜絕布米及役夫二

百人帝不視事一日遣大舍人頭藤原縵麻

呂治部少輔秋篠全繼就第傳宣田邑傳記贈從

二位賜山城宇治郡栗栖村水陸田山林三

町為墓地日本紀略參取田邑傳記使其屍立棺中向平

安城而葬之并甲冑劍矛弓箭楯鹽塵之官

使監護其事是後國家將有事則其墓鳴動

云大將每出征先詣而禱焉田邑傳記其所佩劍

藏之御府曰坂上寶劍古事談增鏡帝親贊其像

深哀惜焉坂上系圖初田村麻呂出獵遇僧延鎮

嘉其清苦為創清水寺於愛宕郡藤原明衡清水寺新

造願文今弘仁初請為官寺田邑傳記子廣野類聚

國史淨野文德實錄廣野少以武勇聞執直不撓頗

有節操弘仁中歷右近衛少將兼伊勢守出

為陸奧守秩滿任右兵衛督至從四位下勲

七等天長五年卒年四十二類聚國史

淨野少承家風武藝絕倫平城帝御武德殿

簡天下騎射士二十人淨野以東宮少進與

其選又與步射士佐味香飾麻呂飯高常比

麻呂角射淨野為最弘仁中為陸奧鎮守將

軍時年二十七尋兼陸奧介為右近衛少將

天長初貶薩摩守俄遷土左權守入敘正五位下為陸奧出羽按察使文德實錄承和中奏言得鎮守將軍匝瑳未守牒偁自去年春至今年春百姓妖言騷擾不止奧邑之民去居遁逃須差添戍兵招聚赴農又粟原賀美兩郡百姓逃出者多官不得抑留臣以為防禍鎮擾宜慎未然又粟原桃生以北倖囚控弦居多似從皇化而反覆不定盛夏豐草馬肥虜驕之時也儻有非常難可支禦伏望差發援

兵一千人四五月間結番上下暫候寇至其糧料者依例支給所在穀上奏待報恐失事機仍且發且奏敕許之續日本後紀在任數年夷民和親關塞無事入為右馬頭遷右兵衛督累兼因幡相模守至正四位下嘉祥三年卒年六十二文德實錄子當宗坂上系圖承和中為右近衛將監時伊勢盜聚名張郡山中私鑄錢當宗率近衛夷俘等索捕獲之併進鑄具及錢至從五位下除鎮守將軍兼陸奧介續日本後紀

大日本史 卷一百三十一 列傳 十一

仁壽齊衡間為掃部頭遷左兵衛權佐

實錄

廣野子當道

三代實錄

當道少好武事便弓馬兼有才調承和中為

內舍人正月大射五位已上不足詔以當道

充其數歷右近衛將監左兵衛左衛門太尉

齊衡二年授從五位下拜右衛門權佐領檢

非違使處法平直不阿權貴天安初遷左近

衛少將貞觀元年出為陸奧守兼常陸權介

進從五位上秩滿待代四年卒于任所年五

十五當道輕財重義在任有清理之稱境內

肅如民夷安之居貧无資臨棺歛所有唯布

衾一條而遺愛永存於州人云

三代實錄

巨勢野足參議界麻呂孫式部大輔苗麻呂

子也

公卿補任

延曆中敘從五位下為陸奧鎮守

副將軍遷征夷副使從大伴弟麻呂征蝦夷

續

紀

兼陸奧介進正五位下尋兼下野守入

為兵部大輔遷左衛門督大同中任左兵衛

督兼侍從為左近衛中將弘仁初補藏人頭

兼中務大輔、拜參議、兼備中守、累敘從三位、
 賜勳三等、兼右近衛大將、備前守、三年拜中
 納言、六年兼陸奥出羽按察使、公卿補任奏狀曰、
 軍團之用、莫先於馬、而權貴之使、豪富之民、
 互相往來、搜求無絕、遂乃託煩吏民、強犯夷
 獠、國內不肅、職此之由、非唯馬直踊貴、兼復
 兵馬難得、延曆六年下騰敕符、特立科條、而
 年久世移、狎習不遵、望請新下嚴制、更增禁
 斷、敕從之、出羽國亦准此、類聚三明年敘正

三位、罷大將、未幾薨、年六十八、

公卿補任

大日本史卷之一百二十二終

大日本史卷之一百二十三
 列傳第五十
 菅原清公
 吉備真備
 權中納言從三位源光圀
 男權中納言從三位綱條
 玄孫權中納言從三位治保重校

大日本史卷之一百二十三

列傳第五十

權中納言從三位源光圀 修

男權中納言從三位綱條 校

玄孫權中納言從三位治保重校


吉備真備

菅原清公

吉備真備

○續日本紀一本景雲元年寶龜

元延曆十年真備書真吉備類
聚國史奉獻部類聚三代格弘仁十一年官
符、公卿補任及松浦社緣起藤原廣嗣上表



亦書真吉備本姓下道朝臣其先出自吉備

今無所考定彦命世居吉備九世祖御友別公卿補任其長子

稻速別食川島縣子孫以下道臣為姓天武

朝賜姓朝臣日本紀父國勝右衛士少尉真備

敘從八位下靈龜二年為遣唐留學生時年

二十四在唐研覃經史該涉眾藝當時學生

播名於唐者唯真備阿倍仲麻呂二人而已

天平七年歸獻唐禮一百三十卷大衍曆經

一卷大衍曆立成十二卷測影鐵尺一枚銅

律管一部樂書要錄十卷絃纏漆角弓一張

馬上飲水漆角弓一張露面漆四節角弓一

張射甲箭二十隻平射箭十隻授正六位下

任大學助尋為中宮亮累進從五位上改右

衛士督孝謙帝在東宮為學士授禮記漢書

恩寵甚渥遷為大夫仍兼學士頃之改賜今

姓遷右京大夫勝寶初進從四位上以事左

降筑前守俄遷肥前守四年為遣唐副使赴

唐續日本紀玄宗授銀青光祿大夫日本高僧傳要文抄及

歸遭風船散真備漂著益久島六年至紀伊
 牟漏崎入京師進正四位下陞太宰大貳建
 議築筑前怡土城敕專當其事寶字初以唐
 亂敕帥船主及真備為備真備議曰且耕且
 戰古人所稱請五十日教習十日役使朝議
 從之又遣授刀舍人春日部三關中衛舍人
 土師關成等就學八陳九地結營法尋為西
 海道節度使八年召為造東大寺長官以病
 不視事及惠美仲麻呂反召入參畫軍事敘

從三位

續日本紀

拜參議兼中衛大將

公卿補任

真備

度賊必走遣兵遮道指麾部分甚得其宜旬
 日事平神護元年授勳二等敘正三位明年
 為中納言俄轉右納言以青宮舊恩擢拜右
 大臣授從二位景雲初賜近江穀二千斛真
 備獻對馬島墾田三町一段陸田五町二段
 雜穀二萬束以為島儲敕賜太宰府綿二萬
 束以買新羅交關物帝幸其第進正二位尋
 賜稻十萬束四年帝不豫敕真備知中衛左

右衛士府事

續日本紀

帝崩皇嗣未定真備等欲

立文室淨三淨三固辭又欲立其弟大市左

大臣藤原永平內大臣藤原良繼與右大辯

藤原百川定策立光仁帝

日本紀略水鏡

真備嘆曰

不圖享壽之弊終至此極

日本紀略

乃上啓曰側

聞力不任而強者則廢心不逮而極者必昏

真備自觀信足為驗去寶字八年真備年滿

七十正月將進致仕表適有官符補造東大

寺長官因此入京以病歸家忽有兵動召參

軍務甄錄微勞累登貴職不聽辭讓已過數

年即今老病纏身療治難損天官劇務不可

暫曠何可抱疾殘體久辱端揆兼帶數職關

佐萬機自顧微躬覲顏已甚慚天愧地無處

容身伏乞致事以避賢路上戴聖朝養老之

德下遂庸愚知足之心詔曰昨省來表即知


告歸聖忌未周懸車何早悲驚交結卒無答

言通夜思勞坐而達旦不依所請似逆謙光

欲遂來情彌思賢佐宜解中衛猶帶大臣坐

塾之間、勿空朝右、累表苦請、久而得允、寶龜六年、薨、年八十三、遣使弔賻、真備為大納言、奏樹二柱於中壬生門西、其一題曰、凡被官司抑屈者、宜至此下申訴、其一題曰、百姓有冤枉者、宜至此下申訴、竝令彈正臺受其訴狀、初、大學釋奠、其儀未備、真備替禮典、重修之、器物始備、禮容可觀、大藏省雙倉火出、私財營之、又刪正律令二十四條、延曆中、詔用之、續日所著有私教類聚三十八條、抄拾芥子本紀

泉為近衛將監、景雲寶龜間、歷兼大學員外助、左衛士督、為大學頭、延曆初、遷伊豫守、與同僚不協、頻被告訴、遣使勘問、不服、置辭不敬、敕曰、伊豫國守泉、政迹無聞、犯狀有著、替之國典、容寘恒科、而父故右大臣、往學盈歸、播風弘道、遂登端揆、式翼皇猷、然則伊父美志、猶不可忘、其子慙尤、何無矜恕、宜宥泉辜、令思後善、但解見任、以懲前惡、左降佐渡守、續日平城帝即位召還、大同中、歷南海道觀本紀



察使兼右京大夫准參議左右大辯刑部卿
 授正四位下弘仁元年任參議歷兼伊勢武
 藏守左衛門督五年卒年七十二公卿補任
 菅原清公遠江介古人子也年少略涉經史
 延曆中詔陪東宮弱冠奉試補文章生學業
 優長舉秀才續日本紀為美濃少掾公卿補任對策
 登科除大學少允尋為遣唐判官兼近江權
 掾至唐與大使俱見德宗及歸敘從五位下
 轉大學助大同初遷尾張介其治不用刑罰

效漢劉寬弘仁初秩滿入京補左京亮累歷
 大學主殿頭左右少辨遷式部少輔兼阿波
 守九年詔天下儀式男女衣服皆依唐制五
 位已上位記改從漢樣諸宮殿院堂門閣皆
 著新榜又肄百官舞蹈清公竝得關說兼文
 章博士侍讀文選兼參集撰之事轉式部大
 輔任左中辨有不適意求遷右京大夫帝從
 容問京職大夫官品對曰正五位官即日改
 為從四位官數年除彈正大弼天長中出為

播磨權守未幾公卿議奏清公國之元老不
 合遠離召入再兼文章博士復遷彈正大弼
 兼信濃守轉左京大夫博士如故續日本承
後紀
 和初兼攝津權介公卿補任改兼但馬權守侍讀
 後漢書六年敘從三位老病羸弱行步甚難
 敕聽乘牛馬至南大庭梨樹下後稱病漸絕
 朝參性仁而愛物深信佛法造像寫經率以
 為勤恒服藥餌容顏不衰九年薨年七十三
續日本
後紀清公嘗與撰凌雲文華秀麗二集書本

序有集六卷菅家後草子善主是善善主少聰慧
 有口辯美容儀年二十三奉文章生試及第
 承和初拜彈正少忠為遣唐使判官兼播磨
 權大掾復命之日以勞敘從五位下尋歷兵
 部少輔伊勢越前等介為勘解由次官仁壽
 二年卒年五十文德實錄是善幼傳父祖業弘仁
 末侍殿上時年十一尊卑分脈承和初補文章得
 業生敘從六位下六年對策判置中上等進
 三階續日本
後紀明年為大學少允轉助尋任大

大正抄
卷一百二十三
死
七

內記

公卿補任

授從五位下、遷文章博士、兼東宮

學士

續日本後紀、公卿補任

文德帝即位、授正五位下、

兼加賀權守、仁壽三年為大學頭、奏請文章

生未出身者、及第之後、不經勘籍預考例許

之、齊衡中加從四位下、為左京大夫、天安中

兼美作伊勢等守

文德實錄

貞觀二年授從四位

上、五年為彈正大弼、遷刑部卿、十二年兼式

部大輔、伊豫權守、十四年拜參議、明年進正

四位下、既而兼勘解由長官、近江守、元慶三

年敘從三位、明年薨

三代實錄

年六十九

公卿補任

與

撰文德實錄、又著東宮切韻二十卷、銀榜輸

律

仁和寺書籍目錄、輸作翰

十卷、集韻律詩十卷、會分

類集七十卷、有集十卷

三代實錄

子道真自有傳

大日本史卷之一百二十三終

大日本史卷之百二十四
列傳第五十一

大日本史卷之一百二十四

列傳第五十一

權中納言從三位源光圀 修

男權中納言從三位綱條 校

玄孫權中納言從三位治保重 校

藤原冬嗣

子長良 弟愛發

良相

良仁

藤原冬嗣右大臣内麻呂第二子也器局溫裕識量弘雅才兼文武寬容接物延曆末歷左右衛士尉大同中敘從五位下為春宮亮

大日本史卷之百二十四
列傳第五十一

兼侍從、進從四位下、中務大輔、弘仁初始置
 藏人頭、冬、嗣與巨勢野足同為頭、歷兼春宮
 大夫、式部大輔、進從四位上、拜參議、遷兼左
 衛門督、復為春宮大夫、歲餘遭父喪去職、頃
 之、起復本官、○按本書傍註引國史曰、冬、嗣
 服解之後、不再任參議、然日本
 後、紀殘缺、今不可考、為以參議起、今姑從之、本書敘正四位下、兼左
 近衛大將、公卿補任帝嘗幸其第、飲讌賦詩、驩甚、
 進冬、嗣從三位、授妻藤原美都子從五位下、
 類聚國史、尋兼近江守、為權中納言、兼陸奧
 日本紀略

出羽按察使、轉大納言、十二年拜右大臣、仍
 兼大將、累進正二位、公卿補任天長初、上意見三
 條、一曰、擇良吏、臣聞登賢委任、為化之大方、
 審官授才、經國之要務、今諸國牧宰、或欲崇
 修治化、樹之風聲、則拘於法律、不得馳騫郡
 國、彌瘁職、此之由、伏望妙簡清公美才、以任
 諸國守介、其新除守介、則特賜引見、勸諭治
 方、因加賞賜、既而政績有著、加增寵爵、公卿
 有闕、隨卽擢用、又反經制宜、勤不為己者、將

從寬恕無拘文法二曰遣巡察使古者分遣
使巡行風俗考牧宰之治否問人民之疾
苦所以宣風展義舉善彈違望量遣使者考
其治否三曰順時令人主發號施令必奉天
時十二月得其時則陰陽和而終始成也伏
望政化所施不違時令則風雨應候災害不
生帝嘉納焉類聚三進左大臣三年薨時年
五十二贈正一位日本紀略稱閑院大臣公卿
補冬嗣置施藥院收養親族貧乏者又置勸

學院教授子弟拆封戶一千戶及買田給之
薨後民欠輸納院稟不繼承和中子良房與
族人緒嗣等上書訴之詔依所請續日本
嗣嘗奉敕撰弘仁格類聚三及內裏式本書
又監修國史未成而薨類聚國史文德帝即位以
外祖父追贈太政大臣夫人美都子正一位
詔曰貴德重親前王之令圖悼往節終有國
之通典朕外祖父左大臣正一位藤原朝臣
風標秀上器宇凝深德為時宗位居朝棟至

忠報國世異名新遺愛在人身但德盛外祖母尚侍從三位藤原氏自家刑國以孝率忠
 嬪規縛於采蘋母則賢於大妣春花早落翫
 流芳而有餘石火不留繼殘焰而仍照朕寓
 形苦壤沃思鼎湖至哀之餘懷夫親懿况國
 憲有恒崇班攸歸宜加寵章式光拱木文德實錄
 子長良良房良相良門良仁良世良房自有
 傳良門內舍人從四位上以醍醐帝外曾祖
 追贈太政大臣正一位尊卑分脈曾祖據扶桑略記醍醐外子

利基高藤尊卑分脈利基仁和中左馬頭從四位
 上三代實錄利基子兼輔延長中至從三位權中
 納言承平三年薨公卿補任稱堤中納言尊卑分脈高
 藤寬平昌泰間累歷顯要公卿補任至正三位內
 大臣薨年六十三日本紀略稱勸修寺內大
 臣公卿補任又稱小一條尊卑分脈以醍醐帝外
 祖追贈太政大臣正一位公卿補任日本紀略醍醐
 帝外祖據扶桑略記子定國定方定國醍醐朝累官遷
 中納言敘從三位兼右近衛大將至大納言

川傳

延喜六年薨稱泉大將定方延長中至右大臣從二位承平二年薨贈從一位稱三條右

大臣

公卿補任

子朝忠朝成朝忠從三位權中納

言

公卿補任尊卑分脈

朝成體貌醜肥飲啖兼人常憂

舉止不便招醫請療醫曰莫如節食啖淡時

方暑月宜食水飯朝成從之使醫視其所食

乃連水飯七八盃及啖魚鮓十數枚醫駭曰

如此則水飯亦不可療乃逃去

今昔物語古今著聞集

嘗從兄朝忠入朝村上帝見其狀貌心鄙之

問曰彼為誰朝忠曰臣弟朝成也問何所能

對曰性好學問善吹笙因授笙試之曲調精

妙帝以為能由是有恩寵

續古事談

天祿初累官

至中納言

公卿補任

朝成少有才望

今昔物語

與藤原

伊尹爭為參議言伊尹不可用及大納言闕

朝成意欲任之時伊尹攝政朝成自詣其家

懇請拜擢伊尹素憾朝成不時出面久而出

曰子始與我同班每欲超我而進多方沮我

今日之事用否在我朝成大愧艱然歸家憂

鬱成疾

古事談

無幾而薨

續古事談

○大鏡曰

尹次當補朝成亦欲為之乃以其意懇伊尹許之既而負約朝成深啣之由是有隙

後因事辱其家僮伊尹怒朝成自往謝之按公卿補任一代要記伊尹朝成同日補藏人

頭者誤為良世荐歷顯要寬平中拜右大臣

為氏長者敘從二位聽牛車公卿補任進左大臣

致仕日本紀略世稱致仕大臣公卿補任昌泰三

年薨贈從一位日本紀略子邦基恒佐公卿補任

尊卑邦基中納言公卿補任恒佐右大臣正三位

公卿補任

長良志行高潔親睦諸弟友愛天至接士大

夫以寬容人無貴賤仰慕之文德實錄弘仁未聽

昇殿公卿補任時仁明帝在儲宮特被親昵花晨

月夕戲席射場許以交敵長良愈整冠帶未

嘗失儀天長中敘從五位下踰歲為侍從歷

左兵衛權佐左衛門佐文德實錄仁明帝即位進

從四位下歷左右馬頭遷左兵衛督承和十

一年為參議轉左衛門督續日本後紀歷兼

讚岐伊勢守續日本後紀嘉祥三年帝崩長良追

慕悲泣不噉魚肉文德帝即位敘從三位齊
衡初為權中納言三年敘從二位是歲薨時
年五十五文德實錄陽成帝即位以外祖贈左大
臣正一位詔曰紀德錄勲代既異而加等飾
終追遠身雖謝而及恩况乃天愛之深理切
敦族人道之重情殷睦親外祖父故中納言
從二位藤原朝臣識度夷雅餘慶延於身後
外祖母藤原氏門傳閭訓家著閨儀蘋藻之
禮彌恭松蘿之義交映並徂耀靡借俄稅景

於西峯閱水易驚遂遊魂於東岱悲玉樹之
早落不見孫榮訪瓊蘭之遺芳宜從子貴外
祖父可左大臣正一位外祖母可正一位死
而有知嘉茲哀贈○按本書詔文闕略今據都氏文集補之元慶
三年贈太政大臣三代實錄子國經基經基經自
有傳國經大納言正三位公卿補任
良相少遊大學局量開曠有才辯承和初召
侍禁中累遷左近衛少將三代實錄橘逸勢等謀
反事發良相率近衛四十人圍守太子直曹



收帶刀兵仗

續日本後紀

尋兼阿波守授從四位

下轉中將嘉祥中拜參議兼右大辯

續日本後紀三

代實錄尋領陸奧出羽按察使兼春宮大夫仁

壽元年授從三位為權中納言齊衡初轉大

納言兼右近衛大將天安元年拜右大臣

文德

代實錄三上表辭不許

文德實錄

貞觀元年進正二

位四年地震詔言得失良相上表曰伏惟皇

帝陛下德高雲霓明並日月猶開廣詢之路

遂降不諱之綸臣身非岳神位忝台袞獻替

之誠徒積塵髮之效叵申蓋中外之國小大

之政所以治而不亂者唯以任得其人也脫

非其人則雖有峻法嚴令然是為亂之階終

非為治之備矣詩曰人之云亡邦國殄瘁書

曰都在知人知人則哲能官人臣之不敏深

信斯言從政以來猶自留意而趙魏滕薛之

任易迷絳侯番夫之才難辨即知人心險於

山川惟帝其難將如之何抑其明經秀才得

試及第者尤是國家之才望宜明古今政理

之大體。又一切智智法教無量。凡諸僧綱及曾經八省維摩講師。皆應通熟世諦之利病。又右大辨南淵朝臣年名。身為進士。職經內史。稍通治體。既居樞要。山城守紀朝臣今守所歷之州。風聲必暢。論之良吏。自為先鳴。伊豫守豐前王才學早彰。資歷淹久。無他異跡。足謂老成。太宰大貳藤原朝臣冬緒。聲名粗達。器識漸優。吏幹之稱。仍有可愛。大和守弘宗王。頗有治名。多宰州縣。雖自賢之弊。或罹

法網。而談諸經國。非無其才。然則宜令此輩同上意見。既云諮及蕩蕘。何況於彼。有識臣。謬荷重責。無他息肩。徒獻管窺。耻塵旒聽。八年累上表。請解職。優詔不許。三代實錄是歲罷左大將。公卿補任明年二月。又抗表曰。臣聞盈虛有節。天道所以長存。損益隨時。人事由其免害。臣謬以菲磷。頻荷華寵。自居峻秩。常念撝謙。臣食封前後。並二千戶。先帝察其寸心。聽返千戶。臣向寢患彌留。乞還封爵。九重中邈難

蒙哀察、徒詠穉兮、猶恐嗟若、竊聞比來京邑、州郡、承去年旱儉之弊、人用不贍、穀價騰躍、加以諸國入少、百官俸乏、帑藏已空、歲用不支、臣辱居端揆、無所彌縫、有慙惶之弗暇、况尸素之胡顏、顧此厚封、自思減耗、亦竊庶幾、古人損有餘補不足之義也、臣幸藉陛下不訾之恩、凡厥子弟近親、略皆得拜官爵、仰給資養、得無所乏矣、况亦大將職罷、經用減少、所賜千戶、於臣有餘、伏望奉返此五百戶、將

補國用之萬一、然則詩人罷取禾之刺、鬼神貽福謙之慶、是年十月得病直廬、無幾薨、年五十五、遺令薄葬、三代實錄稱西三條大臣、公卿補任、尊卑分脈、帝不視事三日、詔贈正一位、良相好文、學之士、有大學生貧寒者、時贈綿絹、冬月多製衣被、畀四學堂夜宿者、每時節招學生能文者賦詩、因賞以物、仁明帝嘗煎鍊五石、賜近臣試之、皆嬖無飲之者、惟良相引盃即盡、帝感其至心、及登哀職、專心機務、志在匡濟、

當時放鷹漁獵一切禁止山川藪澤之利與民共之皆良相之所建立也性睦親族又信佛法建延命院於勸學院南以養藤氏生徒病困無資業者以東京六條宅名崇親院收養宗族子女不能自存者並皆割封戶入莊田給其資用建小堂于崇親院中置佛像令居住者每且念誦觀音自作願文喪室大江氏不再娶終絕腥鮮臨終告諸子曰今日興福寺維摩會之初講也吾儻以是日歸寂安

知不與彼法會有因緣乎乃命侍兒扶起手作佛印而絕子常行忠方並以才行見稱常行貞觀中至大納言正三位兼右近衛大將陸奧出羽按察使十七年薨三代實錄廢朝一日贈從二位日本紀略忠方工隸書三代實錄官至從五位下阿波權守尊卑分脈良仁為人淡雅風神警亮美姿儀少遊大學讀書忘疲文德帝在儲宮時召為藏人遷東宮亮授從五位上帝即位進正五位上為中

宮亮累遷右近衛中將大舍人頭後坐事左
 遷越前權守入為中宮大夫良仁門地高華
 服飾之美最極鮮明甚愛馬退公之暇每為
 愛玩性至孝丁母憂哭泣歐血絕而復蘇遂
 成疾貞觀二年卒年四十二三代實錄冬嗣弟愛

發

續日本後紀
尊卑分脈

愛發大同中為文章生弘仁中為民部少輔
 右中辨天長三年拜參議累歷清要九年授
 從三位遷中納言兼民部卿續日本後紀愛

發為人和柔不妄發忿其在政途號為通熟
 承和七年敘正三位轉大納言九年伴健岑
 等謀反事連愛發幽於院中既而擯斥京外
 居山城久勢郡別墅明年薨年五十七續日本後紀

大日本史卷之一百二十四終

大日本史卷之百二十五
 列傳第五十二
 權中納言從三位源光圀
 權中納言從三位綱條
 權中納言從三位治保
 權中納言從三位重校
 權中納言從三位松影
 權中納言從三位大津
 權中納言從三位衛

大日本史卷之百二十五

列傳第五十二

權中納言從三位源光圀

權中納言從三位綱條

權中納言從三位治保

權中納言從三位重校

權中納言從三位松影

權中納言從三位大津

權中納言從三位衛

大日本史 卷之百二十五 列傳

藤原諸葛

橘清友奈良麻呂第二子也。橘氏少而沈厚。

涉獵書記身長六尺二寸眉目如畫舉止甚

都寶龜中高麗來聘清友以良家子姿儀魁

偉中選接對使人使人史都蒙善相法問通

事舍人山於野上曰彼少年何人也對曰京

師一白面耳都蒙曰此人風骨非常子孫大

貴野上問命之長短曰三十二有厄過此無

恙延曆五年為內舍人。文德實錄敘正五位下。日本

紀略八年病卒年三十二清友娶田口氏生檀

林皇后子孫貴顯果如都蒙言。文德實錄弘仁中

贈從三位。日本紀略仁明帝即位詔曰盛德無沫

必資加等之榮徽烈惟照聿修崇號之制故

敬宗尊祖義煥曩篇追遠飾終不隔異代朕

外祖父從三位橘朝臣疏基顯族驤首高衢

外祖母從三位田口氏毓彩芝田騰芳蕙圃

但屬運謝已從閔川朕以菲薄丕承洪業緬

尋旣往想清輝之眇焉乃詢舊章宣縉禮而

有貴、外祖父及外祖母、並宜贈正一位、山城
 相樂郡持山墓、河内交野郡小山墓、置守冢
 各一戶、續日本紀承和六年、贈太政大臣、日本紀略
 八年、以相樂郡山四町為墓地、予氏公、以皇
 后弟累歷顯要、承和十五年、拜右大臣、敘從
 二位、既而上表辭食封一千戶、帝賜書許之、
 乃移病就第、十四年薨、年六十五、續日本紀世
 稱井手右大臣、公卿補任遣中使宣詔、贈從一位、
 遣參議滋野真主、治部大輔房世玉等、監護

喪事、

續日本紀

子岑繼、身長六尺餘、稟性寬緩、

少時愚鈍、不好文書、其母為仁明帝乳母、以
 故侍藩邸、稍蒙寵幸、帝嘗歎曰、岑繼大臣之
 後、國之近戚、若有才識、公卿之位、庶幾可企、
 何不學之甚哉、岑繼聞而慙之、改節勵精、從
 師受學、略通音義、天長中、為内舍人、累遷右
 近衛少將、時父氏公兼本府大將、因改左兵
 衛佐、尋遷左近衛少將、三代實錄承和中、賜伊勢
 壹志郡空間地一百三十町、續日本紀齊衡中

至正三位中納言、貞觀二年薨、年五十七、三代

實錄清友弟清野、性質素寡欲、隱居交野、以太

皇太后叔父、天長中授從四位上、卒年八十、

類聚國史

安倍兄雄、從五位上、粳蟲之孫、父曰道守、兄

雄、延曆末授從五位下、歷少納言、中衛少將、

大同中敘從四位下、遷大膳大夫、兼近江守、

為山陽道觀察使、拜准參議、右京大夫、歷兼

右兵衛督、近衛中將、為東山道觀察使、敘正

四位下、遷畿內觀察使、卒于官、兄雄性亮直、

有耿介之節、才涉文武、所歷之職、以公廉稱、

伊豫親王廢帝、方震怒、羣臣莫敢諫者、唯兄

雄固爭、雖不能得、時論躋之、公卿補任

藤原長岡、右大臣、內麻呂第六子也、最長武

藝、供步騎、大同中任陸奧大掾、遷左兵衛少

尉、弘仁中歷出羽駿河播磨介、天長承和間

任山城守、歷遷治部宮內大輔、木工頭、兼右

衛門佐、遷右馬頭、任越前守、所在以清幹稱、

再任山城守、移病不起、尋任大和守、以老固辭、不允、敘從四位上、秩滿、隱居宇智郡、嘉祥

二年卒、年六十四、續日本後紀弟大津、尊卑分脈

大津、軀幹短小、而意氣難奪、尤善步射、年十

介為大舍人大允、任常陸大掾、入為右近衛

將監、天長中、敘從五位下、為備後守、有善政、

民庶歌思、數年為大監物、遷散位頭、承和中

歷左馬助、信濃守、文德實錄為神祇大副、伴健岑

等反、大津守宇治橋、事平為陸奥守、續日本後紀

未及之任、改左衛門佐、除伊豫守、在治歲餘、

境內豐稔、百姓富贍、仁壽中、遷備前守、至正

五位下、齊衡元年卒、年六十三、文德實錄子良繼

自有傳、弟衛、尊卑分脈

衛、二歲喪母、比及五歲、問而知之、哀慕感人、

內麻呂奇之、立為嫡嗣、七歲遊學、奉文章生

試及科、時年十八、時人方之漢賈誼、為中判

事、遷大學助、弘仁末、敘從五位下、為遠江守、

政貴寬靜、百姓欣戴、天長中、朝廷善其治績、

授從五位上、累遷木工頭、右少辨、式部少輔、有不法者、必論斥之、不避貴戚、帝甚器之、承和初、轉大輔、兼伊豫守、後爲太宰大貳、上表辭曰、被尚書召、以臣爲鎮西大貳、劍壁流汗、弱水寒心、比之於臣、彼何足喻、臣聞遊榆枋者、無培風之勢、割烏鳥者、非解牛之宜、卽知小大之分、自定於天資、輕重之用、甚明於人事者也、臣自出身以來、適二十餘年、雖頻遇昌運、頗歷司牧、而入蒞曹局、出製滕薛、彼少

事之地、尚恥治化於古、況方嶽之寄、必待邦家之光、而不以臣之輕瑣、猶令誤此重選、思力於內、圖任於外、如蚊虻之負丘山、何年月而期功效、富與貴者、是人之所欲也、臣何人而辭曜世之榮哉、所恐天工之空、從明時而始、豈顧冥叨之誹、實人口之中、庶暫收起尺之威、熟察方寸之誠、不允、先是所管九國二島醫師、博士、總府所自任也、名實不副、虛費稟祿、衛奏曰、博士執經授業之職、醫師合藥

療治之官也。雖道自有優劣，然事非無緩急。何者一夕之命，得方則存其生理，百年之身，失術則墜其天算。彼飛鳥之葺草，流香之反魂，言於世路，是甚急者。而今府所任置醫師等，未必其人假名居位，三藥非共知，十療無一驗，遂使病門失望，豈是皇度本意乎？請特依朝選，以革弊風。書奏從之。自此典藥生始擢受業練道者。文德實錄又上奏四條，其一曰：新羅朝貢其來尚矣，而起自聖武皇帝之代，迄

于聖朝，不用舊例，常懷姦心。苞茅不貢，託事商賈，窺國消息。方今民窮食乏，若有不虞，何以防支。望請新羅國人一切禁斷，不入境內。二曰：交替務畢，未得解由。五位之徒，寄言格旨，留住管內，常妨農商，侵漁百姓，巧為姦利之謀。未覩填納之物，望請交替已畢，早從入京。三曰：府多官舍，破損不少，例用浪人常勤修理，而比年多依官符，以充他用。望請一切不他役。四曰：邊要之地，為有警虞，延曆年中

特立制文、不許開田、而比年頗有墾開望、請
 依延曆三年四月二十六日符、一從停止、許
 之、續日本後紀秩滿歸京、嘉祥中端午節、帝御武
 德殿、賜宴於渤海使、妙選侍臣善辭令者、衛
 中其選、賜續命縷佩之、使客歎其儀範、尋為
 彈正大弼、王公豪右咸畏憚之、仁壽齊衡間
 遷勘解由長官、兼加賀守、至正四位下、右京
 大夫、天安元年卒、年五十九、弟助、少遊大學、
 頗涉史傳、弘仁末、歷少判事、為大學助、歷官

內外、承和中、拜參議、遷治部卿、為左兵衛督、
 敘正四位下、性清直、不憚毀譽、廷臣為之跼
 躅、仁壽三年卒、年五十五、文德實錄
 藤原松影、父星雄、刑部少輔、從五位下、松影
 為人嚴正、鬚眉如畫、起家補內舍人、天長中
 遷式部大丞、時東宮僚屬、妙選名流、松影風
 望夙著、擢為少進、既而復式部大丞、朝會之
 日、源常有敕帶劍、式部省詰以未知詔旨、常
 愧報而退、帝聞大怒、貶責本省官人、松影左

轉彈正少忠、承和中為遣唐使判官、兼山城權介、以母老辭判官、復為式部大丞、出為丹波介、頃之又為式部大丞、授從五位下、任左少辨、累歷中務治部少輔、出雲山城等守、齊衡二年卒、年五十七、松影四入式部、諳練故事、其進止容儀得於天性、後為式部者皆以為模楷焉。文德實錄

藤原諸葛、右大臣三守孫、父有統、侍從從五位下、諸葛承和中為但馬介、補藏人。公卿補任仁

壽齊衡間授從五位下、為加賀權介。文德實錄、公卿

補任貞觀中歷中務少輔、少納言、兵部大輔。三代

實錄藏人頭、公卿補任為左近衛權中將、元慶中拜參議、尋兼右衛門督、敘正四位下。三代實錄太政

大臣基經欲廢陽成帝、會公卿議之、諸卿相顧、莫敢發言、諸葛瞋目按劍曰、今日之事、宜隨太政大臣處分、有敢違者、斬、議遂決。玉海承安

二寬平三年敘從三位、拜中納言、七年上表致仕、是歲薨、年七十、子女上。公卿補任工和歌、尊卑

分脈善彈琵琶

江談鈔尊卑分脈

延喜中至參議從三

位兼刑部卿

公卿補任

大日本史卷之一百二十五終

